

Minister Lee inspeccionando restauracion di edificionan monumental

Preservacion di nos herencia cultural ta trece mehoracion tambe pa edificionan di gobierno



1887, na unda gezaghebber David Gærste a pone e prome piedra. E gezaghebber aki mes, a supervisa e trabounan di construccion tambe. Riba 24 di februari 1888 e construccion a termina y riba 5 di maart 1888 e scol a habri oficialmente. Na 1920-1922 a construi e extension na e banda di Zoutmanstraat. Te cu 16 di December 1921 e scol aki tabata tin e nomber di Julianaschool. Di 1922 te cu 1942 e edificio tabata Prinses Magrietschool. Durante segunda guerra mundial e edificio a sirbi como kazeme pa e schutterij. Na 1953-1955 e edificio a wordo cambia drasticamente den su interior pa e Openbare Leeszaal en Boekerij. Mas recientemente e edificio a ubica Algemene Rekenkamer y Raad van Advies. E trabounan di restauracion a ser prepara

pa BK Consult n.v. y e compania di construccion cu tin di ehecata e restauracion ta Bohama Aruba n.v. Oficina di Monumento ta engarga cu e proyecto aki y e proyecto ta financia pa Fondo di Monumento pa un suma total di Afl.2.547.170,=, treciendo asina un aporte grandi na e imagen di Aruba y edificionan di gobierno. Despues di realisacion di e restauracion e edificio aki lo bira despacho di Ministerio di Labor, Cultura y Deporte, combina cu sala di exposicion pa loke lo ta parti di e coleccion/museum nacional di arte di Aruba. E multiple uzo y demas facilidatnan cu esaki lo ofrece den centro di Oranjestad ta yuda preserva nos herencia cultural y alaves muestra e miho cara di nos cultura na nos mundo turistico.

ORANJESTAD-- Diaranson 7 di december Minister di Cultura, sr. Tai Foo Ramon Lee, a bai inspecciona e trabounan di restauracion di e edificio monumental situa den Wilhelminastraat 6 y Zoutmanstraat 9. E edificio aki ta situa net banda di nos Stadhuis y ta conoci como "AScol 1888" unda antes e biblioteca nacional bieu tabata situa. Durante e inspeccion e mandatario di cultura y su staff, a haya un splicacion amplio di e restauracion y e technicanan uza. Oficina di Monumento a duna e recorido, na unda e directora sra. Yvonne Webb-Kock, a splica cu e edificio lo cambia drasticamente pa awor edificio recobra su apariencia original atrobe. E cambio mas drastico cu publico lo por bai ripara ta cu algun dak lo wordo cambia den nan forma, esta, for di un zadeldak pa un

tentdak). Tambe na e parti patras (zoutmanstraat) e sitio di parkeer lo wordo caza bek cu un cura manera e uzo tabata den tempo cu tabata tin scol na e edificio. Alabes e entrada parti patras (zoutmanstr.) lo cambia cu un fachada di acuerdo cu reglanan di restauracion di monumento. Ta importante muestra akinan, cu e restauracion den su apariencia mes, lo bai bek den tempo te na aña 1922. Particularmente di interes aki, ta cu e color di muraya di exterior lo bira shinishi, cual tabata su color original e tempo aña como scol. E detaye aki a keda confirma asta, dor di algun di nos grandinan cu a bai scol aki tempo nan tabata mucha ainda. Antoine Martis (1837-1894), cu den e tempo ei tabata hefe di e Bouwdepartement na Corsou, a diseña e edificio aki. A cuminsa construccion riba 8 di augustus

